

लईका मन बर बाईबिल
प्रस्तुत करत हवे।

चालीस
बछर



लिखे गए हवे। : Edward Hughes

उत्साह बढ़े गए हवे। : Janie Forest; Alastair Paterson

चयन करे गए हवे। : Lyn Doerksen


अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org


©2021 Bible for Children, Inc.


लार्डसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।





जभे भगवान इसराइली मन ला बचाके मिसर ले
बाहिर ले आइस तब, मूसा हा पराथना म मइनसे
मन के अगुवाई करिस। ओहा पराथना के एकठी
गीत घलो बनाइस। “मय यहोवा के गीत ला
गाइहाँ काबर कि ओहर महापरतापी हावय।”
भगवान हा इसराइल बर जतकी बड़खा—बड़खा
काम करे रहिस, सब्बो बर मूसा हा गीत गाईस।





रेघिसतान म तीन दिन के पाछु पियासत
मइनसे मन एकठी कुआँ ला पाइन। लेकिन
ओमन ओकर पानी ला पीए नई सकीन।
पराथना करए के सेती, मइनसे मन सिकायत

करिन। भगवान हा अब्बड़
मयारू रहिस। ओहर पानी ला
पीए लाइक बना दिस।






अइसन लागथे कि मइनसे मन सब्बो कुछु
बर सिकाएत करे रहिन। “हमर करा मिसर
म खाए बर रहिस। ओमन रोए लगिन,” हमन रेघिसतान म भूए ले
मर जाबो। ओही संझाकुन भगवान हा बटेर मन ला ओखर बीच
म भेजिस। मइनसे मन ओला अइसनेच धरे सकत रहिन।




आघु दिन भिनसरहा भगवान हा मनना भेजिस । यहां एक ठी अइसन
रोटी रहिस जेन हा मधु के पुवा कस चिखे
म लागत रहिस । रोज बिहना
तियार मनना भुईयां म परे
रहत रहिस कि ओला सकेले




जा सकए । अइसनेहेच
भगवान हा रेघिसतान मा
अपन मइनसे मन
ला खवाईस ।



ओमन ला सब्बो दिन भोजन बर भगवान म भरोसा करए बर रहिस ।
लेकिन कुछु मइनसे मन जरूरत ले जादा मनना सकेले रहिन इहां
तक कि । भगवान हा कहए रहिस की ओहा दूसर दिन तक नई
बाचए ।



खाली सबत के दिन ला छोड़के, परयाप्त मनना कर अलगा, पाछु
दिन मा सकेले रहे मनना कीरा ले भर जात रहिन। इ बिसेस
सातवा दिन ला मइनसे मन बिसराम करत रहिन। अउ पाछु
रात म सकेले गए मनना ला खात रहिन।




भगवान हा
रेघिसतान मा
इसराइली मन के पुरा
देखभाल करिस । ओहर
ओमनला भोजन अऊ पानी
देईस अउ बैइरी मन ले रकछा
घलाव करिस ।



जब अमालेकिमन
के ऊपर मा वार
करिस, तब इसराइली
ला बरोबर जय मिलत रहै ।
ऐहा तक होईस जब तक मुसा
भगवान के लउठी ला ऊपर म
टांग के रखे
रहिस ।





भगवान हा इसराइली मन ले कहिस, "जदि तेहर मोर बचन के पालन करबे ता तय हा मोर खास मइनसे होबे।" सब्बो इन मूसा ले कहिन, "भगवान हा जेन कुछु हमन ले कहि हमन ओला करबो।" ओमन सब्बो सीनए पहार के लकठा ले तरी आईन अउ डहर देखे लगिन जब तक मूसा भगवान ले मिले बर उपर गिस।





मूसा हा चालीस
दिन ले पहार म
भगवान के संग
रहिस । भगवान हा
पथरा के दुठी
पट्टा म दसठी
आग्या ला
लिखिस । ओहर
मूसा ला बताइस
कि ओहा अपन
मइनसे मन कर
जीबन ला कईसन
चाहत हावय ।



1 "तैयार मोला छोड़
के दुसर ला भगवान
कहिके झन मानबे।"

2 "अपन बर कोन्हो मुरति
झन बनवाबे अउ न
कोंघर के परन परबे"

3 "तैहर अपन भगवान
के ना ला जुछा म
झन लेबे।"

4 "तैहर बिसराम दिन
ला पबितर माने बर
सुरता राखबे।"

5 "तै हर अपन ददा
अउ अपन दाई कर
आदर करबे।"



6 "तैहर हतिया
झन करबे।"


7 "तैहर परस्त्री
गामी झन होबे।"

8 "तैहर चोरी झन
करबे।"

9 "तैहर लबरा
गवाही झन देबे।"


10 "तैहर लोभ झन
करबे।"





जब मूसा सीनय पहार म
भगवान के संग रहिस तब
इसराइली मन कुछु पीरादाई
बुता करिन। ओहीमन हारून
ला एक ठी सोना के बछरू
बनाए के आदेस दिस अउ
ओमन भगवान के बलदा
ओखर पुजा करिन। भगवान
ओमन ले अड़बड़ जंगाए
रहिस। अउ तभे मूसा
घलाव।





जब मूसा हा उ बछरू
अउ मइनसे मन ला
नाचत देखिस। ओहा
पथरा के पटिया ला
भुईयाँ म पटक के टोर
दिस। गुस्सा म मुसा हा
उ सोना के मूरति ला
नस्ट कर दिस।



भगवान हा उ दुठी पथरा के पटीया
ला फेर दिस। ओहर मुसा ला एक
ठी डेरा के निरमान करए बर कहिस,
जेनहा चारों अंगत ले एक ठ बड़खा तम्बु
जिंहा भगवान ओखर मइनसे मन के बीच म
रहि। ओमन ला उहाँ भगवान के बिनती करए
बर रहिस। भगवान कर उपसथिती
ला बादल अउ आगि के
खंमभा हा
देखात
रहिस।



कनान देस के लकठा म पहुँचीन त, भगवान दवारा वादा करे गय
देस ला देखे बर मुसा हा बारा ठी जासुस मन ला भेजिस। सब्बो
जासुस मन येही रजामंदी जताइन की देस हा अब्बड़ सुध्घर हे।



लेकिन खाली दु यहोशु अउ कालेबऐच हा बिसवास करिन की,
भगवान के मदद ले इ देस ला जीते जा सकत हे।




अउ अलगा दस ठी जासुस उ देस के
मजबुत सहर म अउ मालिक मन ल
डरात रहिन। “हमन उ देस म
बिजयी नई होए सकन”
ओमन कुहरिन।


भगवान हा
मिसर म ले ओमन
ला कइसन छुटाइन,
इहा महान गोठ ला
भुला चुके रहिन।



मइनसे मन उ दस ठी अबिसवासी जासुस मन के गोठ म बिसवास
करिन। ओमन रोइन अउ वापिस मिसर म जाए बर तियार होए
लगिन। ओमन सब्बो इन मुसा ला जान ले मारे के कोसिस
घलाव करिन।



भगवान हा मुसा के जान ल बचाइस । तब ओहर मइनसे मन ले कहिस, "तुमन सब्बो इन चालीस बछर बर जंगल म भटकत रइहा । खाली कालेब, जो जोसुआ अउ ओखर लईका मन जियत रही अउ उ जासुसी करए देस म घुसे बर नई पाए ।"



चालीस बछर

इ कथा हर भगवान के बचन के द्वारा एक ठी बाईबिल

पाए जाथे ।

निरगमन 15 गिनती 14

"आप मन कर बानी हर एला अंजोर देथे ।"

भजन संहिता 119 % 130



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

